

Balua gba  
Djude

Eli na kalanu

Djude aye nani balua inde-e ngubula napa me, omabhuka lila lio ka omusuno na eu inde adu apa me ni ne omabhuka-a malila. Bhú ndu balua inde-e, ongu inde bhúbhú-o, maka bhende bhú balua na bhisi gba Piele-o. Djude ngato masi bhú okpála inde ngatatanga me, u gu gbele ngubula nabhuka inde li Ebhe aha nani e pi okpála gba e ngubula ndu 'kpí hana-o.

Ongbengbe ongu inde bhú bhuku inde-e ngae inde:

Eli na kalanu 1-2

Dasandu, ne nasuno, a la di-e likabhu gba omusuno na eu 3-16

Lili ngubula nalila nabhuka 17-23

Bisagu 24-25

*Djude yi omabhuka mayi*

<sup>1</sup> Ma aye balua inde-e ngama Djude. Ma ne bali gba Yesu Kilisito, ma la di ne ndai Djaki. Ma aye balua inde-e pi okpála inde li Ebhe, 'Dyi ní a'i o-o. Ani ne mukunda pi uo, ani di ngalila uo bhú 'bu Yesu Kilisito. <sup>2</sup> A ayo me Ebhe dje ndjinga yi, ani ha guo 'ngu pi yi, amba ani bedhe yi ne mukunda gba e ane mane.

*Yi lila liyi ka omusuno na eu-o malila*

<sup>3</sup> Ondaise ma na mukunda, ma adu nako ne gumu naali me ma ye balua pi yi pindji mukobho inde ngakpotsø ndu ní hana-o. La mbia inde-e, ma au ndjindji me ma ye balua pi yi ngu nato masi bhú yi me yi gu gbele ngu nabhuka inde li Ebhe aha e pi omaha e-o.

Nabhuka ango-o dji galikpe lie belegu de bini. <sup>4</sup> Padhá de, anga okpála koko bhú ká yi sisiti, u ali bhú ká yi bhú pepe. U ngadji ta bádha bhú 'bu gba Ebhe gba ní-e ngú nasia kpadji me o mene ndu osisiti 'ngú inde u akunda e hana. U bhomu-o ngayala koli Musuno inde di Ngámá gba ní Yesu Kilisito-o. Okpála ango-o, u aye nani mangimbo gba uo-o bhú Bhuku gba Ebhe-e bhutode.

<sup>5</sup> Belegu yi ambila nani ndu ongu inde-e lie hana didili-e, ma akunda matá napapa pi yi ne toto me, Ebhe Ngámá gba ní-e agbegbe nani okpála na tsalaele bhú bali bhú doto na Edjipeto agbegbe. Ani atsia abhili obhende i bhuka ani de-o. <sup>6</sup> Yi kina nga me oandjelu inde i lila nani kulu gba o-o de-e, inde a'o ká dabili gba o-o, Ebhe agbigbite uo ne gbindjili na duduma, ani atsia abu uo li bili na biti bhe má ndundulundu ngú nadjeke 'ngbé 'kpí nakodho mangimbo gba okpála-o. <sup>7</sup> Yi kina nga me okpála na Sodomu ne Gomolu di ne ogudhu koko na ngo ogudhu bhomu-o amene bhadi nani siti 'ngú maka oandjelu bhomu. U adu amene 'ngú na sisiti inde li kpála-kuti ti da namene e de. Kaka-a, u naki ngazu likabhu bhú djua na duduma ngú nasuno pi okpála me, a ayo namene ngua siti 'ngú bhomu-o de.

<sup>8</sup> Okpála na sisiti inde ali bhú ká yi bhomu-o bhadi ngamene ngua siti 'ngú bhomu-o moko. Ka 'ngú na ngingi inde bhú 'ndji uo-o, u ngasiti kute o. U kunda de me Ebhe u ngámá pí 'dji o-o de. U manga la di oandjelu inde li o ne zizi-e\* de. <sup>9</sup> La-a, belegu Mikaele ngámá gba oandjelu-o mene nani mo-o de. Bhú nagbe bhayiki gba uo ne Djabulu-o, u adu amene kpeke 'bhø lie ngubula kuo Moidje-e, Mikaele pa 'ngú na namu li kute djabulu

\* 1:8 1:8 Oandjelu inde li o ne zizi: A akunda napa me oandjelu inde ngamanga 'li Ebhe.

de. Engú bini aní apa bha pí aní me: «Ebhe mene bhado mu sisiti!»† <sup>10</sup> Engú bini, okpála na sisiti inde bhú ká yi-e, ngagama 'ngú sisiti lí kute engú bhende u mbila e de. Uo maka onu abhú bili, u ngabhuhundja ade. U ngamene bha bini engú bhende akoto bhú 'ndji o. Engú ango-o la ngabhili uo ngae. <sup>11</sup> A ko líkabhu pí uo! Padhá de, anga u akpata kpadji lí Kaina akpata nani e-o. U akpata nganda Balama ka gumu tia gba o-o. U amu anga u ngamene kpéke 'ndji pí Ebhe maka lí Kole amene nani lie-o.

<sup>12</sup> Uo ngaha numu pí yi bhú obili lí yi apəpəkəbhə bhúla yi lí e ngú nazu 'he na mukunda sunda yi-o. U ngabedhe 'bu o ne ezu má kpambi! Numu lí uo ade, uo bha bini ngabhundja engú gba o makpe. Uo maka ndindi inde lí anvi ngandjindjimba e, lí ebha nde bhú e ade-o. Uo maka ndula inde í lí lílí de bhú nedhinga nali lílí-o, inde u agbe du e, a tsia akpi hana má kpəkəbhə-o! <sup>13</sup> Uo maka ongbengbe 'ngbo 'ngu na ngade 'ngu. U ngapandja ongu na numu gba o-o maka lí ngade 'ngu agbegbe efu lie. Uo maka oikupala inde ambu lí kpadji o. Ebhe aleke dabilí na duduma ne duduma pí uo bhú biti má ndundulundu!

<sup>14</sup> Enoka, nani ne ogbi ní na mananika nayie lí Adamu . Aní akpokpo nani maka polofeta lí 'ngú gba okpála ango-o me: «Yi tsitsia nga Ngámá ngago bhú dabilí bini ne bhiti obubu okpála gba e na bhibhiti-o, <sup>15</sup> ngú nakodho 'ngú gba ndu okpála hana. Aní a'ó mangimbo pí ndu okpála na sisiti hana ngubula ndu osisiti 'ngú inde u amene e, nedhinga lí u agbe kpéke 'ndji lie lí Ebhe, di ne ngubula

---

† 1:9 1:9 Ongú koko inde bhú lukuluku inde-e, a bhú obhuku koko na gandja na didili-e ade. A ko ongu inde lí omaYuda adu nani akpokpo e maka tsingu. A viti bini ne bhende bhú lukuluku 14-15.

sisiti oeli inde li okpála na mugwe apa e li kute ani-o.»  
<sup>16</sup> Okpála ang-o ngadi mutokono di ne nalopolo lio ndu  
 'kpí hana, uo ngadhuku bha bini maka li gumu gba uo  
 makpe apa lie. U ngapa bha bini ongu inde ane dada  
 mane, u la di ngapa 'li okpála koko ngubula me o sia 'he  
 ka uo.

*Dapo pi* omakilisito

<sup>17</sup> La pi yi ondaise ma na mukunda-a, yi bhundja oeli  
 inde li obhulu titima gba Ngámá gba ní Yesu Kilisito apa  
 nani e pi yi-o. <sup>18</sup> U apa nani pi yi me: «Li sokpi-e, adu ne  
 okpála inde amú yi, u tsia dú akpata osisiti gumu gba o  
 makpe.» <sup>19</sup> Okpála ang-o, a ko okpála inde ngagbo bhusu  
 okpála. A bha bini bhú 'ndji uo ne imbilangu bhe na  
 kute, Bua gba Ebhe-e bhú uo ade. <sup>20</sup> La pi yi ondaise ma  
 na mukunda-a, yi mene ne kpéke me yi teteke liyi sunda  
 yi ngubula me ndu yi hana yi lu kpekpeke bhú nabhuka  
 inde bubu naali-o. Yi yo Ebhe ne angu gba Bu Bhobua .  
<sup>21</sup> Yi du nadhuku li lele da napa me Ebhe du nasuno  
 mukunda gba e pi yi. Yi 'o 'to yi li nedhinga li Ngámá  
 gba ní Yesu Kilisito apána ndjinga gba e lie pi yi, ani tsia  
 há mukobho na duduma pi yi-o. <sup>22</sup> Yi dje ndjinga okpála  
 bhende ne bua na bhisi bhisi bhú ká yi-o. <sup>23</sup> Yi kobho uo,  
 amba u atsulu bhú djua de. Yi dje ndjinga okpála koko, la-  
 a, yi lila liyi me, belegu bongo gba uo inde asiti ne osisiti  
 'ngú gba uo inde u ngamene e, atunu lie li kute yi de.

<sup>24-25</sup> Sangu pi koli Ebhe bini inde akobho ní li kpadji  
 gba Yesu Kilisito, Ngámá gba ní-o. Ani ti da nayoko me yi  
 ati bhú siti 'ngú de, ani ti da namene me yi koto kala ni  
 me engú na sisiti nde bhú yi ade, di ne me yi nde abedhe  
 ne djali bedhe. A ayo me okpála dhogó ani, a ayo me ani  
 u, a ayo me angu di ne ngámá du bhú dabili bini ne ani  
 mbia inde, duduma ne duduma. A adu moko!

## Gandja na Mbia

### Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 25 Mar 2022

6b4904fb-f8ce-5931-8218-7cee8914232c